

Surat khabar: Utusan Borneo ( Berita Iban )

Hari/Tarikh: 1/10/2013

Muka surat: 12

Tajuk : STEMfest 2013 Dikearap Ulih Napi Pemujur Pemansang Mudal Mensia Di Sarawak.

# STEMfest 2013 dikearap ulih napi pemujur pemansang mudal mensia di Sarawak

**KUCHING:** STEMfest 2013 ti di atur di UNIMAS digulu beribu mensia ke bepege-landik dalam pekara Sains, Teknologi, Matematik enggau Pekara bekaul enggau Injinir datai baum besai ba universiti nya, mujur dipejadika Kepala Menteri, Pehin Sri Abdul Taib Mahmud.

Maya bejadika atur pengawanya kemari, Taib minta gerempung tu sama mantu menua Sarawak nuingka juluk ba pemansang pelajar kena ngisi mudal mensia ke berat endar ke Sarawak dalam ngaga menua tu nyadi sebuah menua industri.

Nyerumba 'festival of conferences', STEMfest 2013 deka mantaika 6 iti konferens antarabansa lalu mujur narit penyerta ari urung 40 menua nyengaum Malaysia.

STEMfest 2013 di atur begulai enggau UNIMAS, Tabung Ekonomi Gagasan

Anak Bumiputera Sarawak (TEGAS) enggau Opis Pelajar.

"STEMfest 2013 nyadi sebagai ari pengerami 50 taun Sarawak Merdeka, lalu kami temegah ati ulih mai atur pengawanya tu kitu.

"Tim kami di Kuching bekerejasama enggau bala pengajar dalam Sains, Teknologi, Pekara bekaul enggau Injinir enggau Matematik dalam pemansang profesional lalu begempung enggau projek antarabansa," ku Direktor Eksekutif Global STEM States Incorporated, David Goncalves lalu iya nambah, atur pengawanya ti udah mai mayuh penyerta ari serata dunya deka ngangkatka menua Sarawak di mata dunya kelebih agi menua tu ke ngemeratka pelajar global.

Global STEM States, sebuah gerempung antarabansa

baru tu tadi madah deka muka opis Asia sida iya di Kuching.

Berindik ari tu, Sarawak dipadu nyadi palan dunya dalam pekara Sains, Teknologi, Pekara bekaul enggau Injinir, pelajar Matematik enggau inovasi. Reti nya, Sarawak deka nyadi sebagai ari gempung antarabansa nyengkaum 12 buah menua bukai ari serata dunya ari Russia ngagai Kanada ke tebilang endar dalam pelajar sereta hab inovasi.

Goncalves madah, pengawanya pansik di UNIMAS, projek SCORE enggau palan biodiversiti disebut nyadi chunto komitmen Sarawak dalam pekara pelajar enggau inovasi.

Orang mayuh ke deka nemu pasal pekara STEMfest Konferens enggau silik agi, tau ngelawa laman web [www.stemstates.org](http://www.stemstates.org)